

UNIVERZITETA U SARAJEVU - ELEKTROTEHNIČKI FAKULTET

Etički odbor Univerziteta u Sarajevu - Elektrotehničkog fakulteta

Broj: 13-1016/25

Datum, 24.03.2025.

DOSTAVLJA SE: Student ██████████
Viši asistent ██████████, MA-dipl.ing.el.
Viši asistent ██████████, MA-dipl.ing.el.
Viši asistent ██████████, MA-dipl.ing.el.
Etički savjet Univerziteta u Sarajevu

PREDMET: Zahtjev za davanje mišljenja o usklađenosti djelovanja ili ponašanja s načelima i pravilima Etičkog kodeksa UNSA br: 01-38-1696-1/12 od 27.06.2012. godine te Izmjena i Dopuna etičkog kodeksa UNSA br. 01-14-192/21 od 29.09.2021. godine

VEZA: Očitovanja na Zahtjev upućen od strane studenta ██████████ (viši asistent ██████████, MA-dipl.ing.el. br. 02-884/25 od 11.03.2025. godine, viši asistent ██████████, MA-dipl.ing.el. br. 13-896/25 od 12.03.2025. godine i viši asistent ██████████, MA-dipl.ing.el. br. 13-897/25 od 12.03.2025. godine)

Etički odbor Univerziteta u Sarajevu - Elektrotehničkog fakulteta (u daljem tekstu: "EO ETF") je održao sastanak 10.03.2025. na kojima je razmatran: Zahtjev za davanje mišljenja o usklađenosti određenog djelovanja sa načelima Etičkog kodeksa koji je uputio student ██████████ (u daljem tekstu: "Zahtjev"). Zahtjev je protokolisan pod brojem 13-743/25 dana 03.03.2025. godine. Zahtjev se odnosi na vršenje pritiska prilikom glasanja na Naučno-nastavnom vijeću ETF-a; prateći dokumenti koji su dostavljeni na zahtjev EO ETF: Očitovanja na Zahtjev upućen od strane studenta ██████████ koja su dostavili viši asistent ██████████, MA-dipl.ing.el., viši asistent ██████████, MA-dipl.ing.el. i viši asistent ██████████, MA-dipl.ing.el. (u daljem tekstu: "Očitovanja"). Nakon dostavljenih Očitovanja, na elektronskoj sjednici održanoj dana 21.03.2025. godine, EO ETF je donio sljedeće:

MIŠLJENJE

U Zahtjevu je traženo mišljenje EO ETF o kršenju članova 4. (*Načelo mirnog uživanja prava*), 7. (*Načelo jednakosti i pravednosti*), 8. (*Pravo na akademsku slobodu*) i 12. (*Uznemiravanje*) Etičkog Kodeksa Univerziteta u Sarajevu, odnosno vršenje pritiska prilikom glasanja na Naučno-nastavnom vijeću ETF-a.

Na osnovu Zahtjeva i Očitovanja članovi EO ETF-a su mišljenja da se ispitivanjem o načinu i razlozima glasanja, sugerisanjem na koji način je netko trebao glasati i sl., krši Etički kodeks UNSA. Naime, način glasanja članova Vijeća regulisan je Pravilnikom o radu Vijeća Fakulteta, prema kojem je diskreciono pravo svakog člana da glasa na način koji smatra ispravnim. Zbog toga niko nema pravo da preispituje način glasanja niti da sugeriše članovima kako da glasaju. Osim toga, dužnost nastavnog osoblja je da se sa poštovanjem ophodi prema svim kolegama, a naročito prema studentima, te da pri tome izbjegava bilo kakve oblike prijetnje, ucjene i slično, kako u formalnom, tako i u neformalnom obraćanju.

Uvažavajući prethodno, iako smatramo da se prijavljeni, viši asistent ██████████, MA-dipl.ing.el., viši asistent ██████████, MA-dipl.ing.el. i viši asistent ██████████, MA-dipl.ing.el. nisu ponijeli etički prema studentu ██████████ mišljenja smo da nisu bili svjesni da svojim postupcima mogu narušiti Etički kodeks UNSA. Zbog toga predlažemo da međusobnim uzajamnim razgovorom pokušaju riješiti nesuglasice ove prijave.

Osim navedenog, zbog sve učestalijih prijava Etičkom odboru članova kolektiva ETF-a, loše međusobne komunikacije, članovi EO ETF-a su dodatno saglasni da je potrebno raditi na međusobnom dijalogu i tražiti organizovanje predavanja na temu etičkog ponašanja od strane Etičkog savjeta UNSA. Članovi EO ETF-a svoje Mišljenje daje samo u odnosu na to što se neposredno odnosi na Zahtjev i Očitovanja, a u skladu sa članom 32. stav (4) Etičkog kodeksa UNSA.

Mišljenje je jednoglasno usvojeno na elektronskoj sjednici održanoj 21.03.2025. godine.

U skladu sa članom 33. Etičkog kodeksa UNSA, mišljenje će biti objavljeno na web stranici Fakulteta, bez navođenja ličnih podataka.

Članovi Etičkog odbora

Prof. dr. Dženana Đonko, predsjednica

Prof. dr. Bakir Lacevic, član

Prof. dr. Samir Avdakovic, član

Prof. dr. Pamela Niemčević, član

Nejra Alfirević Fočo, dipl. pravnik

Selma Cvijrija, student - zamjenski član